

2026KO EKAINAREN 25EAN TOKIKO GOBERNU BATZORDEAK EGINDAKO OHIKO BILERAREN AKTA

MODUA: presentzialki

TOKIA: Batzar Aretoa

EGUNA: hogeita bosta

HILABETEA: ekaina

URTEA: bi mila eta hogeita sei.

HASIERAKO ORDUA: arratsaldeko bostak eta erdi

BATZARRALDIAREN IZAERA: ohikoa

DEIALDIA: lehena

OSATZEN DUTEN PARTAIDEEN KOPURUA: Sei (6)

MAHAIBURUA: Leire Artola Ugalde (EAJ-PNV)

BILDUA: Adur Ugartemendia Leunda (EAJ-PNV)

Mariola Pascual Paredes (EAJ-PNV)

Hasier Agirre Elkoroberezibar (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Wesley Aritz Corsitto Agirre (ELKARREKIN PODEMOS EZKER ANITZA / IU-ALIANZA VERDE).

ETORRI GABEA:

IDAZKARIA: ITZIAR AROZTEGUI APAOLAZA

1.- AURREKO AKTAK. 2026ko maiatzaren 13ko akta onartzea.

Aho batez onartu da.

2.- HERRITARRAK BATZORDEKO PROPOSAMENAK:

a.- BEASAINGO UDALA ETA EUSKAL FONDOAREN ARTEAN LANKIDETZA HITZARMENA. ONARTZEKO PROPOSAMENA. 2026BIBO0009

2026-6-18ko Herritarrak Batzordeko proposamenaren berri eman da:

“AURREKARIAK

- I. *Euskal Fondoaren erakundearen helburua garapen bidean dauden herrialdeekin lankidetzan aritzea da, garapen ekonomiko edo sozialerako edota sentsibilizaziorako egitasmo eta programak sustatuz, finantzatuz edo kudeatuz.*

Hori guztia kontuan hartuta, Udalbatzak, garapenerako lankidetzak ekintzetarako Udal laguntzen banaketa kualifikatuagoa egite aldera, Euskal Fondoaren bazkide egitea erabaki zuen 2014ko abenduaren 18an.

- II. *Euskal Fondoak, 2026rako aurkeztutako finantzaketa-proiektuen berri eman dio Udalari.*

- III. 2026-01-14ko 2026/47 Alkatetzaren Ebazpenaren bidez onartutako 2026-2028 diru-laguntzen plan estrategikoak 1. helburu estrategiko gisa gizarte-ekintza sustatzea aurreikusten du (1.4 diru-laguntza ildoak: Gizarte-lankidetzak eta garapenerako laguntza), eta 2026erako Udalen Aurrekontu Orokorren transferentzia arruntaren eranskinean Euskal Funderaren aldeko diru-laguntza izenduna aurreikusten da.

LEGERI APLIKAGARRIA

- 38/2003 Legeak, diru laguntzen lege orokorrak, 22.2.a) artikuluan aurreikusten du toki erakundearen aurrekontuetan modu nominatiboan aurreikusitako diru laguntzak zuzenki emateko aukera.
- 38/2003 Legeak, diru laguntzen lege orokorrak, 28. artikuluan xedatzen du hitzarmena izango dela toki erakundearen aurrekontuetan modu nominatiboan aurreikusitako diru laguntzak bideratzeko ohiko tresna.
- Euskadiko Toki Erakundeei buruzko apirilaren 7ko 2/2016 Legearen 37. artikulua berezko eskumen gisa aurreikusten du garapenerako lankidetzak alorreko politikak planifikatzea, antolatzea eta kudeatzea, eta Euskal Autonomia Erkidegoko Garapenerako Lankidetzari buruzko otsailaren 22ko 1/2007 Legeak, 14. artikuluan, eskumenak ematen dizkie udalei, egoki irizitako garapenerako lankidetzak-programak edo -ekintzak gauzatzeko.

Horren ondorioz, Herriarrak Batzordeak Tokiko Gobernu Batzordeari ondorengo erabaki proposamena egiten dio:

Lehenik. Euskal Funderari 100.000€ko dirulaguntza onartzea (2026ko aurrekontuan nominatiboki aurreikusia) honetarako:

- Euskal Funderaren bazkide kuota ordaintzeko (3.146,46€).
- Honako proiektuak finantzatzeko, adierazitako zenbatekoetan:

-54.000€: P374-26. Habanako Historialariaren Bulegoak garatzen duen Adineko Helduentzako Arreta Integraleko Programa sendotzea, lurraldeko adineko pertsonen zahartze osasuntsuaren eta parte-hartze sozialaren estrategiak sustatuz. 3. Fasea.

-21.426,77€: P383-26. Genero-berdintasuna bultzatzea Alta Verapaz udalerriko 7 udalerrian. 2. fasea. (Guatemala).

-21.426,77€: P384-26. Handizkako merkatua eraikitzea, emakumeen lidergoarekin. Tactic. 2. fasea. (Guatemala).

Bigarren. Beasaingo Udala eta Euskal Funderaren artean sinatzeko hitzarmenaren testua onartzea.”

Hitz egiteko txanda eman ondoren, bildutakoek proposamenarekiko iritzia hauek azaldu dituzte:

Hasier Agirre Elkoroberezibar jaunak (Beasaingo EH Bildu): “Beste urte baten ere komentatu izan dugula uste dut proiektu hauek ondo daudela eta laguntzekoaren aldekoak garela, baina beasaingarrei erakustea egiten dena zer den ez litzateke gaizki egongo. Ez dirua jartzen delako bakarrik, baizik eta iruditzen zaidalako proiektuak ere interesgarriak izan daitezkeela eta guk ikasteko ere balio izango dute. Proiektu denak erakustea ez dut esaten baina bakar batzuk, agian, bai.”

Alkate andreak (EAJ-PNV): “Gizarte laguntzaileak komentatu zidan zuek batzordean egindako eskaera. Aztertzeotan geratu ginen urria-azaroan ea nola eman diezaiokegun forma. Izan daiteke proiektu bat edo finantzazioaren inguruan gobernu kanpokoek ematen zaien laguntzei buruzko hitzaldi, bideo eta horrelakoren bat. Ez dakigu herriarraren aldetik zein erantzun izango duen baina lekukoa hartu dugu eta zerbait antolatzen saiatuko gara. Zein formatu izango den ezin dizut esan. Badago ere herrikoa den gobernu kanpoko elkarteak laguntzen zaiona. Euskal

Fondoa, gizarte larrietarako laguntzak eta beste elkarte batzuk ere badaude Udalarengandik dirua jasotzen dutenak. Horien ere laburpen bat egin genezake. Beno, udaran bueltan saiatuko gara.”

Gaia behar adina eztabaidatu ondoren, bozketa eginda, aho batez onartu da proposamena.

b.- ZERBITZUEN KONTRATAZIOA, BEASAINGO NERABEENTZAKO ZERBITZUAREN KUDEAKETA. PLEGUAK ONARTZEKO PROPOSAMENA ETA DEIALDI PUBLIKOA EGITEA.
2026LIGA0001

2026-6-18ko Herritarrak Batzordeko proposamenaren berri eman da: Aipatutako lizitazioa egitea deialdia publikoa eginez. Horretarako baldintza administratibo eta teknikoak onartzea proposatu da:

1.- *Prozedura: irekia publizitatearekin. Lizitazio elektronikoa.*

2.- *Izapidetzea: arrunta*

3.- *Bi lizitazio prezio:*

- *Urtekoa, 102.303.33€ + BEZ.*

- *Aleko prezioa: 34,60€/ordua + BEZ*

4.- *Egikaritze epea eta luzapenak: Bi urte kontratua sinatu eta hurrengo egunetik aurrera. Bi luzapen. Bakoitza urte batekoa.*

5.- *Kaudimen ekonomiko, finantzarioa:*

Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 189.386,28€ gutxienez.

6.- *Kaudimen teknikoak:*

a) *Azken 3 urteetan antzeko zerbitzuak eman izanaren zerrenda.*

b) *Zerbitzu kontratuari atxiki beharreko pertsonala:*

- *Koordinatzailea (arduraduna)*

- *2 Hezitzaile*

c) *Titulazio eta agiriak:*

Koordinatzailea:

- *Gipuzkoako Esku-hartze Sozialaren IV. Hitzarmen Kolektiboan, 2. taldeari (Esku-hartze Sozialaren arloa) dagokion titulazioa izatea (esku-hartze sozialaren berezko zereginetan ardura duten langileak): Gizarte eta hezkuntza arloko gradua edo diplomatura izatea.*

- *Euskarako C1 gaitasun maila.*

- *Gutxienez 1 urteko esperientzia izan beharko du nerabeekin lan egiten.*

- *25 orduko formakuntza hezkidetzan.*

- *Adingabeekin lan egiteko sexu-izaerako delituen ziurtagiria.*

Hezitzaileak:

- *Gipuzkoako Esku-hartze Sozialaren IV. Hitzarmen Gipuzkoako Esku-hartze Sozialaren IV. Hitzarmen Kolektiboan, 3. taldeari (Esku-hartze Sozialaren arloa) dagokion titulazioa izatea (esku-hartze sozialaren berezko zereginetan ardura duten langileak): Gizarte arloko diplomatura edo gradua. Gizarte integrazio goi mailako teknikaria edota animazio soziokulturean goi mailako teknikaria*

- *Euskara C-1 maila*

- *2 hezitzaileetatik batek, gutxienez, esperientzia izan beharko du nerabeekin lan egiten.*

- *10 orduko formakuntza hezkidetzan.*

- *Adingabeekin lan egiteko sexu-izaerako delituen ziurtagiria.*

Onartuko da idatzizko konpromisoa aipatutako baldintzak kontratatutako pertsonalak beteko dituela kontratua sinatu aurretik, adjudikaziodun suertatu ezker.

Kontratista enpresa berria denean (hau da, bost urte baino gutxiagokoa), aurreko b) eta c) letran aipatzen diren bitarteko baten edo batzuen bidez egiaztatuko da kaudimen teknikoak, baina ez da inola ere aplikagarria izango artikulua horren a) letran zerbitzu kopuru jakin bat egin izanari buruz ezarrita dagoena.

7.- Aurkezteko epea eta lekua: 15 egunekoa kontrataziorako plataforman iragarkia argitaratu eta hurrengo egunetik kontatzen hasita . Lizitazio elektronikoa.

8.- Adjudikazio irizpideak:

Formula automatikoen bidez baloratzen ez diren irizpideak (50 puntu)

Memoria teknikoa: 50 puntu arte.

1. Zerbitzuaren proiektu teknikoa: (gehienez 40 puntu).

Erakunde lizitatzailleek garatu nahi duten lan planaren proiektu teknikoa aurkeztu beharko dute, jarraian zehazten diren atal guztiak jasoko dituen:

1.1. Zerbitzuaren esparru teorikoa (gehienez 8 puntu):

1.1.1. Gipuzkoako Haur eta Gazteen Sustapenerako Sistemarekiko ezagutza: 2 puntu, gehienez.

1.1.2. Marko teorikoa, helburu zehatzak eta hori lortzeko proposatzen diren ekimen zehatzak era egokian erlazionatzea: 3 puntu, gehienez.

1.1.3. Zerbitzuko hartzaileen adin tarte ezberdinei begirako planteamendu zehatzak egitea eta genero ikuspegia txertatzea, 3 puntu gehienez.

1.2. Lan-metodologia (20 puntu, gehienez).

1.2.1. Zerbitzuaren oinarriak, helburuak eta lan-plana: 4 puntu gehienez.

1.2.2. Zuzeneko arretan arlo bakoitzaren jarduerak nola landuko diren zehaztea (aisia hezitzailea, parte hartzeko bideak, sorkuntzarako bideak, informazioa, orientazioa eta bide-laguntza): 6 puntu, gehienez.

1.2.3. Zerbitzua ingurune seguru eta babeslea izateko proposamena: 2 puntu gehienez.

1.2.4. Zeharkako lerroak nola jorratuko diren azaltzea (PPT 3.3): 4 puntu gehienez.

1.2.5. Zerbitzuaren ebaluazioa eta komunikazio plana nola egingo den: 4 puntu gehienez.

1.3. Proiektua herriaren errealitatera egokitzea (gehienez 15 puntu).

1.3.1. Zerbitzurako esanguratsuak izan daitezkeen baliabide eta elkarteak ezagutzea eta haiekiko elkarlana eta koordinazioa zehaztea: 5 puntu, gehienez.

1.3.2. Herri mailako ekimenetan esku hartzeko proposamen zehatzak: 5 puntu, gehienez.

1.3.3. Nerabeak zerbitzura erakartzeko proposatzen diren estrategia zehatzak: 5 puntu, gehienez.

2. Langileenganako egokitutako neurriak (gehienez 7 puntu)

2.1. Langile emakume eta gizonen artean berdintasuna bultzatzeko neurriak (Berdintasun planak,...): gehienez 3 puntu.

2.2. Generoari erreparatuta, lan arriskuak eta lan osasuna prebenitzeko neurriak: gehienez 2 puntu.

2.3. Lanean sexu-jazarpena eta sexu arrazoiengatik jazarpena prebenitzeko neurriak: gehienez 2 puntu.

Egindako planteamenduan eskaintzen den zerbitzuaren egokitasuna eta koherentzia baloratuko dira, beti ere, herriko nerabeen errealitatearen kontuan izanik.

Proposamenaren edukia gehienez ere 30 orrialdekoa izango da, Arial 11 letran egingo da. Aurkibidea eta eranskinak barne, eta ez da baloratuko orrialde kopuru horretatik gorako informaziorik.

2017 SPKLko 146.3 artikulua arabera, hurrengo fasera pasatzeko gutxienez %50eko puntuazioa lortu beharko da.

Formula automatikoen bidez puntuatzeko irizpideak. (50 puntu)

1.- Urteko proposamen ekonomikoa: 40 puntu.

Balorazioa honela egingo da:

Preziorik merkeenari puntuaziorik handiena emango zaio, eta gainerakoen puntuazioa honela kalkulatu da: prezio baxuenaren eta baloratzen den lizitatzaileraren eskaintzaren arteko zatidura aplikagarri diren puntu guztien kopuruarekin biderkatzeko formularen emaitza.

*PI = (Ob/OI) * 40*

PI: Lizitatzaileraren puntuazioa

Ob: Eskaintzarik baxuena

OI: Eskaintza lizitatzailerak

Eskaintza anormalki baxuak: Halakotzat hartuko dira onartutako eskaintzen batez bestekoa baino ehuneko 15 puntu baxuagoak diren batak dituztenak.

2.-Aleko prezioa zerbitzu berezietarako (orduko): 10 puntu.

Balorazioa honela egingo da:

*PI = (Ob/OI) * 10*

PI: Lizitatzaileraren puntuazioa

Ob: Eskaintzarik baxuena

OI: Eskaintza lizitatzailerak

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- Aurkeztu beharreko agiriak: Lizitatzailerak administrazio-baldintzen Pleguan adierazitako agiriak aurkeztu beharko dituzte.

11.- Kontratua gauzatzeko baldintza bereziak:

- Emakumeen kontratazioa sustatzea; lana, bizitza pertsonala eta familia bateragarri egitea.*
- Langabezia borrokatzea, batez ere gazteena, emakumeena eta iraupen luzekoa.*
- Lantokian prestakuntza eman dadin sustatzea.*
- Kontratuak bete beharko du hizkuntza ofizialtasun bikoitzaren araubidea."*

Hitz egiteko txanda eman ondoren, bildutakoek proposamenarekiko iritzia hauek azaldu dituzte:

Hasier Agirre Elkoroberezibar jaunak (Beasaingo EH Bildu): "Guk gure aldetik esan poztan garela gaztelekua martxan jartzea. Urteak daramagu eskatzen eta badirudi errealitate bihurtuko dela, baina aldi berean esan dugu ez zaigula gustatu prozesu hau nola eraman den. Teilatutik hasitako etxea bezala irudikatu dugu. Beti esan dugu gazteri sail indartsu batek lideratutako prozesua izan behar dela, beharrak identifikatuta eta lokalaren egokitasuna aztertuta. Orduen eta espazioaren erabilera konpartitze aldetik ez dakit oso garbi dagoen. Guk behintzat ez dugu. Pozik gaude baina zalantzak ditugu. Beraz, abstenitu egingo gara."

Alkate andreak (EAJ-PNV): "Ikusiko da. Nik uste dut poztekoa dela Beasainek aisialdirako zerbitzua izatea. Egindako lanketa dela eta nik uste dut beharrak asetzeko lokala izango dela. Gure ustez oso ondo kokatuta dagoen lokala da, aurrean plaza bat du eta erdi-gunean dago. Lokala beste batzuekin, eta bakoitzaren erabileraren arabera partekatzea egokia ikusten dugu. Gaztelu zerbitzua aste bukaeran martxan hasten bada, astean zehar partekatu daiteke. Bateragarria den erabilera ematearekin ere, ados egon beharko ginateke, baliabideak optimizatzea delako. Ikuskizun dago. Ea gure gatzetxoengan harrera ona izaten duen. Duela urte batzuk ere gaztelekua izan genuen baina bilakaera ez zen guztiz ona izan. Orain beste apustu berri bat egiten dugu eta ea emaitza positiboak izaten ditugun eta gutxitik gora joaten garen, nahiz eta horrek beste erabaki batzuk hartzea eskatu. Momentuan, espazioa partekatzea ezinbestekoa dela esango nuke. Bai hemen eta bai beste edozein espazioetan."

Eva Alvarez Atanes andreak (Socialistas Vascos-Euskal Sozialistak): “Decir que nosotros en un principio también teníamos nuestras dudas. Sobre todo en cuanto a la organización y el compartir local teniendo en cuenta las necesidades de Urbi-Berri, pero visto lo visto y después de reflexionar, vemos que el compartir local es algo positivo tanto si es en igual horario o diferente en aras a un lazo de unión entre diferentes generaciones de beasaindarras. Estamos de acuerdo.”

Aritz Corsitto Agirre jaunak (Elkarrekin Podemos): “guri iruditzen zaigu ezer ez eduki edo zerbait eduki positiboa dela. Ikasten joango gara zein onurak eta zein gabezia dituen eta horren arabera, eraikitzen jarraituko dugu. Gure jarrera aldekoa da.”

Alkate andreak (EAJ-PNV): “bizirik dagoen proiektua da eta aldiro-aldiro erabakiak hartu beharko dira.”

Gaia behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 5 (EAJ-PNV, Socialistas Vascos-Euskal Sozialistak, Elkarrekin Podemos)

Aurkako botoak: 0

Abstentzioak: 1 (Beasaingo EH Bildu)

Etorri gabea: 0

Horren ondorioz gehiengo osoarekin onartu da proposamena.

3.- LURRALDE BATZORDEKO PROPOSAMENAK:

a. Kontratazioa. Pleguak onartzeko proposamena eta deialdi publikoa egitea:

- LOKAL KOMERTZIALETARAKO ETA MERKATU-EKOIZLEENTZAKO ETXEZ ETXEKO ETA ARMAIRU BANAKETA JASANGARRIKO ZERBITZUA, TRIZIKLO BIDEZKO SALGAIEN HIRI-BANAKETAN OINARRITUA. 2026HIBO0085

2026-6-18ko Lurralde Batzordeko proposamenaren berri eman da: Aipatutako lizitazioa egitea deialdia publikoa eginez. Horretarako baldintza administratibo eta teknikoa onartzea proposatu da:

1.- *Prozedura: irekia publikizitatearekin. Lizitazio elektronikoa.*

2.- *Izapidetzea: arrunta*

3.- *Lizitazio prezioa: urteko 44.793,00€ + BEZ.*

4.- *Egikaritze epea eta luzapena: Bi urte kontratua sinatu eta hurrengo egunetik aurrera. Urtebeteko luzapen bat. Kontratu-organoak 2 hilabeteko aurreabisua egingo du.*

5.- *Kaudimen ekonomiko, finantzarioa: +*

Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 67.189,50€ gutxienez.

6.- *Kaudimen teknikoa:*

- a) Azken 3 urteetan antzeko zerbitzuak eman izanaren zerrenda. Egikaritze handieneko urtean metatutako urteko zenbatekoa kontratuaren urteko batez bestekoaren %70 edo gehiago: 31.355,10€.*
- b) Zerbitzuaren koordinatzailea eta banatzailea identifikatzea. Biei eskatuko zaie Europako Erreferentzia Esparruko B2 gaitasun-mailako hizkuntza-gaitasuna, hitzezko mailan*

7.- Aurkezteko epea eta lekua: 15 egunekoa kontrataziorako plataforman iragarkia argitaratu eta hurrengo egunetik kontatzen hasita . Lizitazio elektronikoa.

8.- Adjudikazio irizpideak:

Formula automatikoen bidez baloratzen ez diren irizpideak (50 puntu)

Memoria bat idatziko da, alderdi hauek zehatz-mehatz jasoko dituen:

- Zerbitzuaren kudeaketa-plan integrala, honako hauek zehaztuta: aurreikusitako prozesu operatiboa, eskaerak eta entregak jasotzeko metodologia, ibilbideak egitea (ibilbideak, banaketa-ordutegiak, bidalketak finkatzea) eta ezarri beharreko tresna digitalak (20 puntu).

- Tokiko saltoki eta ekoizleentzako zerbitzuari aholkularitza emateko eta atxikitzeko plana; bertan, salgaiak entregatzen ez diren aldietan egin beharreko jarduerak adieraziko dira (15 puntu)

- Banaketa-ibilgailuaren deskribapena eta egokitasuna: (10 puntu)

Apartatu honek, gutxienez, agiri teknikoko zehaztapenak bete beharko ditu, eta haien egokitasuna eta zabalduetako prestazio posibleak baloratu beharko dira.

- Bateriak mantentzeko, ikuskatzeko, garbitzeko eta kargatzeko plana: (5 puntu)

Azterketa eta ulermena errazteko, aurkeztutako dokumentazioa gehienez 6 A4 orrikoa izango da, aurkibiderik eta eranskinik gabe, alde bakarretik Arial 11 letra-tipoarekin eta lerroen artean 1,5 lerroko tartearekin. Aurkibide bakarra eta orrialdekatua izango du. Euskarri elektronikoan aurkeztuko da (PDF fitxategi bakarra).

Baimendutako gehieneko orrialde-kopurua gaindituz gero, gainditutako orrialdeak ez dira baloratuak izango.

Formula automatikoen bidez puntuatzeko irizpideak. (50 puntu)

- Urteko eskaintza ekonomikoa. 50 puntu.

0 puntu emango zaizkio lizitazioaren oinarritzko aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.

$B_{max} \leq 50\% \gg P = 200 \times B$

$B_{max} > 50\% \gg P = 100 \times B / B_{max}$

Izanik,

P: Baloratu beharreko eskaintzaren puntuazioa.

B: Baja = $1 - (\text{Eskaintako prezioa}) / (\text{Lizitazioaren gehieneko aurrekontua})$.

B_{max}: Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

OHI DENA BAINO GUTXIEGIZKO ESKAINTZAK

Eskaintza neurrigabeak edo ohiz kanpokoak direla pentsatuko da, onartutako eskaintzen batez bestekoa baino 15 puntu beherago dauden eskaintzak

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.

11.- Kontratua gauzatzeko baldintza bereziak:

- Lan-merkatuan emakumeek gehiago parte hartzea eta lan- eta familia-bizitza bateragarriak izan daitezen erraztea.
- Langabeziari aurre egitea, batez ere gazte, emakume eta luzaroko langabeenari.
- Lantokian prestakuntza jasotzen laguntzea.”

Hitz egiteko txanda eman ondoren, Eva Alvarez Atanes andreak langile-kopurua zenbatekoa den galdetu du.

Adur Ugartemendia jaunak erantzun dio esanez koordinatzailea eta banaketa egiten duen beste pertsona bat eskatzen dela.

Eva Alvarez Atanes andreak (Socialistas Vascos- Euskal Sozialistak): “no se exige titulación específica, pero si euskera a nivel oral. Nosotros creemos que por las labores que tiene que realizar el repartidor, el que tenga conocimientos de euskera es necesario, pero el que tenga que ser capaz de mantener una conversación a nivel oral, vale pero el B2 es hasta excesivo teniendo en cuenta la realidad en la que nos encontramos hoy en día y que tipo de perfiles pueden realizar esa labor. Que el coordinador tenga el B2, de acuerdo porque entre sus labores puede que tenga el tener que relacionarse con la Admon, pero que el repartidor tenga el B2, lo vemos excesivo.

Adur Ugartemendia Leunda jaunak (EAJ-PNV): esan banatzaile izateaz gain pertsona horren helburuetako bat da gaur egun zerbitzura atxikita ez dauden merkatariei gonbidapena luzatzea eta baita ere aholkularitza lana egitea beraiek saltzen dituzten produktuak digitalizatzeko “Tori” plataforman kokatzeko eta aukera izateko banaketa-zerbitzura atxikitzeko. Ez da paketeak banatzea bakarrik baizik eta aholkularitza guztia berak eraman behar du. Hortik haratago gure euskara irizpideak jarraituz, uste dugu argi eta garbi gutxieneko baldintza dela eta ez dela gehiegikoa zeren eta orain arte eman den zerbitzuarekin hori bete da. Zerbitzua ematen zuen pertsonak c1 ere izango zuen.”

Eva Alvarez Atanes andreak (Socialistas Vascos- Euskal Sozialistak): “ante la posibilidad de poder facilitar un puesto de trabajo a una persona y teniendo en cuenta que también el coordinador puede dar asesoramiento, pues...”

Adur Ugartemendia Leunda jaunak (EAJ-PNV): “baina koordinatzailea udalarekin dago harremanetan ez bezeroekin.”

Hasier Agirre Elkoroberezibar jaunak (Beasaingo EH Bildu): “batzordean komentatu genuen ordutegiak zabalagoak izateko aukera. Zerbitzu ona iruditzen zait, baina etorkizunean sortuko balitz beste ordutegi bat egoteko aukera, larunbateko azoka dela eta, kontsumo taldeak etab., ez dakit zerbitzua handitzea ekarriko lukeen, pleguetan proposatzen denarekiko.”

Adur Ugartemendia Leunda jaunak (EAJ-PNV): “berez ez. Puntu batean aipatzen da ordu kopuru hori errespetatuz, adostasuna egon ezker, ordutegi hori moldatu daitekeela. Hori egiteko aukera badago eta saiatuko gara errealitate horretara egokitzen.

Gaia behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 5 (EAJ-PNV, Beasaingo EH Bildu, Elkarrekin Podemos)

Aurkako botoak: 0

Abstentzioak: 1 (Socialistas Vascos-Euskal Sozialistak)

Etorri gabea: 0

Horren ondorioz gehiengo osoarekin onartu da proposamena.

BEASAINGO HERRI ARGITERIKO EGUNGO KALEARGIAK DESMUNTATU, ARGITERIA HOBETU ETA LED KALEARGIAK HORNITU ETA MUNTATZEA, 3 FASEA. 2026PROB0003

2026-6-18ko Lurralde Batzordeko proposamenaren berri eman da: Aipatutako lizitazioa egitea deialdia publikoa eginez. Horretarako baldintza administratibo eta teknikoa onartzea proposatu da:

1.- *Prozedura: irekia publikitatearekin. Lizitazio elektronikoa.*

2.- *Izapidetzea: arrunta*

3.- *Lizitazio prezioa: 165.263,70€ + BEZ.*

4.- *Egikaritze epea: 16 aste zuinketa akta sinatzen denetik*

5.- *Kaudimen ekonomiko, finantzarioa:*

Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 247.895,55€ gutxienez.

6.- *Kaudimen teknikoa: Azken 3 urteetan antzeko hornidurak egin izanaren zerrenda. Egikaritze handieneko urtean metatutako urteko zenbatekoa kontratuaren urteko batez bestekoaren %70 edo gehiago: $165.263,70 \times 0,7 = 115.684,59\text{€}$.*

7.- *Aurkezteko epea eta lekua: 26 egunekoa kontrataziorako plataforman iragarkia argitaratu eta hurrengo egunetik kontatzen hasita. Lizitazio elektronikoa.*

8.- *Adjudikazio irizpideak:*

Formula automatikoen bidez baloratzen ez diren irizpideak (40 puntu)

Memoria teknikoa: 5 azpirizpide (40 puntu)

Hurrengo fasera igarotzeko gutxienerako atalasea, %50ekoa da: 20 puntu.

Formula automatikoen bidez puntuatzeko irizpideak. (60 puntu)

- Eskaintza ekonomikoa. 50 puntu.

Atal hau ebaluatzeko, Zerbitzu Teknikoek aldez aurretik homogeneousatuko dituzte,

Puntuazioa ezartzeko, honela banatuko da:

0 puntu emango zaizkio lizitazioaren oinarritzko aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.

$B_{\max} \leq 50\% \Rightarrow P = 200 \times B$

$B_{\max} > 50\% \Rightarrow P = 100 \times B / B_{\max}$

Izanik,

P: Baloratu beharreko eskaintzaren puntuazioa.

B: Baja = $1 - (\text{Eskaintako prezioa}) / (\text{Lizitazioaren gehieneko aurrekontua})$.

B_{max}: Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

- Pleguan ezarritako berme epea handiagoa proposatzea: 10 puntu.

Modu honetan balioztatuko da:

Agirian ezarritako berme epea baino luzeago bat aurkezten duen eskaintzaileak, hau da, 2 urtetik gorako berme epea, puntu 1,25 puntu eskuratuko ditu gehiegizko urte bakoitzeko, gehienez ere 10 puntura iritsi arte. (Gehieneko puntuazioa lortuko da eskaintzaileak 10 urteko berme-epea eskaintzen duenean, pleguari dagozkion 2 urte, gehi eskaintako bermea 8 urte). Berme-epe gisa pleguan ezarritakoa aurkezten duen eskaintzak (urte 2) zero puntu lortuko ditu.

Eskaintza anormalki baxutzat hartuko da onartutako eskaintzen batez bestekoa baino 20 puntu baxuagoa den baxa duena. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, azterketa medikoei eta abarri erantzuteko beharrezkoak diren kostuak estaltzera iristen ez direnak.

9.- *Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.*

10.- *Aurkeztu beharreko agiriak: Lizitatzaleek administrazio-baldintzen Pleguan adierazitako agiriak aurkeztu beharko dituzte.*

11.- *Kontratua gauzatzeko baldintza bereziak:*

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkaritza ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40ra iristen ez direnean.

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

b.- Obra ziurtagiriak:

- BARRENDAIN PLAZAKO URBANIZAZIOA. 4. ZIURTAGIRIA. 2025PROB0013

Aho batez onartu da, plazako urbanizazioari” buruzkoa 4. ziurtagiria, 453.540,80 €koa (BEZ barne).

- BONBERIE ERAIKINA ERABERRITZEKO OBRAK. 3. ZIURTAGIRIA. 2025PROB0005

Aho batez onartu da, “Bonberie eraikina eraberritzeko obrei” buruzko 3. ziurtagiria, 55.982,09 €koa (BEZ barne).

- BEASAINGO GAZTELEKUA GAUTZEKO OBRAK. 3. ZIURTAGIRIA. 2025PROB0016

Aho batez onartu da “Gaztelekua egokitzeko obrei” buruzko 3. ziurtagiria, 93.277,00 €koa (BEZ barne).

4.- ESKAERA ETA GALDERAK

Eskaera eta galderen atalean ez da inolakorik aurkeztu

Eta tratatzeko besterik ezean bilera, arratsaldeko bostak eta berrogeita hamabostetan amaitu da eta nik, idazkari naizen honek akta hau idatzi eta sinatu dut.